



rexerá pola presente ordenanza fiscal; as normas atenden ó previsto no artigo 58 da citada Lei 39/1988.

Artigo 2º.- Feito imponible.

1. Constitúe o feito imponible da taxa de actividade municipal, técnica e administrativa, tendente a verificar se os actos de edificación e uso do solo, a que se refire o artigo 178 da Lei sobre o Réxime do Solo e Ordenación Urbana, Texto refundido aprobado polo RD 1.346/1976, do 9 de abril, e que deban de realizarse no termo municipal, axústanse ás normas urbanísticas, de edificación e policía, previstas na citada Lei do Solo, así como (1) normas subsidiarias de planeamento deste municipio.

2. No estarán suxeitas a esta taxa as obras de mero ornato, conservación e reparación, que se realicen no interior das vivendas.

Artigo 3º.- Suxeito pasivo.

1. Son suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei Xeral Tributaria, que sexan propietarios dos inmobles nos que se realicen as construcións ou instalacións ou se executen as obras.

2. En todo caso, terán a condición de substitutos do contribuínte os construtores e os contratistas das obras.

Artigo 4º.- Responsables.

1. Responderán solidariamente das obrigas tributarias do suxeito pasivo, as persoas físicas e xurídicas ás que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das Sociedades e os síndicos, interventores ou liquidadores de crebas, concursos, sociedades e entidades en xeral, nos supostos e co alcance que se sinala no artigo 40 da Lei Xeral Tributaria.

Artigo 5º.- Base imponible.

1. Constitúe a base imponible da taxa:
a) O custo real e efectivo da obra civil, cando se trate de movementos de terra, obras de nova planta e modificación de estruturas ou aspecto exterior das edificacións existentes.

b) O custo real efectivo da vivenda, local ou instalación, cando se trate da primeira utilización dos edificios e a modificación do uso destes.

c) O valor que teñan sinalados os terreos e construcións, para os efectos do Imposto sobre bens inmobles, cando se trate de parcelacións urbanas e de demolición de construcións.

d) A superficie dos carteis de propaganda colocados en forma visible desde a vía pública.

2. Do custo sinalado nas letras a) e b) do número anterior, exclúese o corres-

pondente á maquinaria e instalacións industriais e mecánicas.

Artigo 6º.- Cota tributaria.

1. A cota tributaria resultará de aplicarlle á base imponible os seguintes tipos de gravame:

a) Por tramitación de licenza urbanística de concesión directa polo concello: 20 euros.

b) Por tramitación de licenza urbanística, tralo informe previo da comisión provincial de patrimonio: 30 euros.

c) Por tramitación de licenza urbanística, polo procedemento especial do R. de Actividades Molestas: 35 euros.

d) Por tramitación de licenza urbanística, polo procedemento especial de R. de Actividades Recreativas: 35 euros.

e) Por tramitación de licenza urbanística, tralo informe previo da CP Urbanismo: 30 euros.

f) Por tramitación de informes urbanísticos de condicións para a construción: 10 euros.

g) Por informes urbanísticos distintos dos incluídos en apartados anteriores: 15 euros.

h) Por informes urbanísticos para tramitación de subvencións de rehabilitación: 10 euros.

Artigo 7º.- Exencións e bonificacións.

Non se concederá exención nin bonificación ningunha da exacción da taxa.

Artigo 8º.- Devengo.

1. Devéngase a taxa e nace da obriga de contribuír, cando se inicie a actividade municipal que constitúe o seu feito imponible. Para estes efectos, enténdese iniciada a devandita actividade na data de presentación da oportuna solicitude da licenza urbanística, se o suxeito pasivo formulase expresamente esta.

2. Cando as obras comezasen ou se executasen sen obter a licenza oportuna, a taxa devengarase cando se inicie efectivamente a actividade municipal conducente a determinar se a obra en cuestión é ou non autorizable, con independencia da iniciación do expediente administrativo que poida instruírse para a autorización desas obras ou para a súa demolición, se non fosen autorizables.

3. A obriga de contribuír, unha vez nacida, non se verá afectada en ningún modo pola denegación da licenza solicitada ou pola concesión desta condicionada á modificación do proxecto presentado, nin pola renuncia ou desistencia do solicitante, unha vez concedida a licenza.

Artigo 9º.- Declaración.

1. As persoas interesadas na obtención dunha licenza de obras presentarán, previamente, no Rexistro Xeral, a oportuna solicitude, achegando certificado, visado polo colexio oficial respectivo, con espe-

A VEIGA

Unha vez elevado a definitivo o acordo plenario, de data 5 de febreiro de 2003, de imposición da taxa por concesión de licencias urbanísticas e da aprobación da ordenanza fiscal reguladora, de conformidade co disposto no artigo 70.2 da Lei 7/1985, do 2 de abril, publícase o texto íntegro da ordenanza reguladora, que será de aplicación a partir do seguinte do día da súa publicación definitiva no BOP.

Contra o acordo definitivo de imposición e ordenación da taxa os interesados poderán interpoñer recurso contencioso-administrativo no prazo de dous meses, contados desde o día seguinte ó da publicación deste anuncio no BOP.

Texto íntegro da ordenanza.

O alcalde.- Asdo.: Vicente García Carrasco.

Ordenanza fiscal reguladora da taxa por licencias urbanísticas.

Artigo 1º.- Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 e 19 da Lei 39/1988, do 28 de decembro, reguladora das facendas locais, este concello establece a "taxa por licencias urbanísticas", que se

cificación detallada da natureza da obra e lugar de emprazamento, na que se faga consta-lo importe estimado da obra, medicións e o destino do edificio.

2. Cando se trate de licenzia para aqueles actos nos que non sexa posible a formulación de proxecto suscrito por técnico competente, coa solicitude achegarse un orzamento de obras a realizar, así como unha descrición detallada da superficie afectada, número de departamentos, materiais para empregar e, en xeral, das características da obra ou acto do que os seus datos permitan comproba-lo custo daqueles.

3. Se, despois de formulada a solicitude de licenzia, se modificase ou ampliase o proxecto, deberá pórse no coñecemento da administración municipal, achegando o novo orzamento ou o reformado e, se é o caso, planos e memorias da modificación ou ampliación.

Artigo 10º.- Liquidación e ingreso.

1. Cando se trate de obras e actos a que se refire o artigo 5º 1.a), b) e d):

a) Unha vez concedida a licenzia urbanística, practicarase liquidación provisoria sobre a base declarada polo solicitante.

b) A administración municipal poderá comproba-lo custo real e efectivo, unha vez rematadas as obras, e a superficie dos carteis declarada polo solicitante e, á vista do resultado de tal comprobación, practicarase a liquidación definitiva que proceda, con dedución do, se é o caso, ingresado provisoriamente.

2. No caso de parcelacións urbanas e demolición de construcións, a liquidación que se practique, unha vez concedida a licenzia, sobre a base imponible que lle corresponda, terá carácter definitivo, salvo que o valor sinalado no imposto sobre bens inmobles non teña este carácter.

3. Tódalas liquidacións que se practiquen seranlle notificadas ó suxeito pasivo substituto do contribuínte para o seu ingreso nas arcas municipais, utilizando os medios de pagamento e os prazos que sinala o Regulamento Xeral de Recadación.

Artigo 11º.- Infraccións e sancións.

En todo o relativo á cualificación de infraccións tributarias, así como das sancións que a estas lles correspondan en cada caso, estarase ó disposto nos artigos 77 e seguintes da Lei Xeral Tributaria.

Disposición final.

Esta ordenanza fiscal entrará en vigor e será de aplicación a partir do día seguinte ó da súa publicación definitiva no BOP.

R. 1.249

ANUNCIO

Unha vez elevado a definitivo o acordo plenario, de data 5 de febreiro de 2003, de aprobación da modificación da Ordenanza fiscal reguladora do imposto sobre actividades económicas, de conformidade co disposto no artigo 70.2 da Lei 7/1985, do 2 de abril, publícase o texto íntegro da ordenanza reguladora, que será de aplicación a partir do día 1 de xaneiro de 2003.

Contra o acordo definitivo de imposición e ordenación do imposto os interesados poderán interpoñer recurso contencioso-administrativo no prazo de dous meses, contados desde o día seguinte ó da publicación deste anuncio no BOP.

Texto íntegro da ordenanza.

O alcalde.- Asdo.: Vicente García Carasco.

Ordenanza fiscal reguladora do imposto sobre actividades económicas

A teor das facultades normativas outorgadas polos artigos 133.2 e 142 da Constitución Española e o artigo 106 da Lei 7/1985, reguladora das bases do réxime local, sobre potestade normativa en materia de tributos locais e de conformidade así mesmo co establecido nos artigos 15 e seguintes, así como do título II, e artigos 79 e seguintes, todos eles da Lei 39/1988, do 28 de decembro, reguladora das facendas locais, na súa redacción dada pola Lei 51/2002, do 27 de decembro, de modificación da devandita norma, regúlase, mediante a presente ordenanza fiscal, o imposto de actividades económicas.

Artigo 1º.- Feito imponible.-

1. O imposto sobre actividades económicas é un tributo municipal directo e de carácter real, cun feito imponible que é o simple exercicio, no territorio nacional, de actividades empresariais, profesionais ou artísticas que non estean exentas, tanto se se exercen nun local determinado como se non, estean ou non especificadas nas tarifas do imposto.

2. Para os efectos deste imposto, considéranse actividades empresariais as de gandería independente, as minceiras, industriais, comerciais e de servizos. Polo tanto, non teñen esta consideración, as actividades agrícolas, gandeiras dependentes, as forestais e as pesqueiras.

Artigo 2º.- Suxeitos pasivos.- Son suxeitos pasivos as persoas físicas ou xurídicas e as entidades ás que se refire o artigo 33 da Lei xeral tributaria, sempre que realicen no territorio nacional calquera das actividades que orixinen o feito imponible.

Artigo 3º.- Responsables.-

1. Responden solidariamente das obrigacións tributarias tódalas persoas que sexan causantes dunha infracción tributaria ou que colaboren na súa comisión.

2. Os copartícipes ou cotitulares das entidades xurídicas ou económicas a que se refire o artigo 33 da Lei xeral tributaria responderán solidariamente en proporción ás súas respectivas participacións das obrigacións tributarias destas entidades.

3. No caso de sociedades ou entidades disoltas e liquidadas, as súas obrigacións tributarias pendentes transmitiránse ós socios ou partícipes no capital, que responderán delas solidariamente e ata o límite do valor da cota de liquidación que se lle adjudicase.

4. A responsabilidade esixirase en todo caso nos termos e de acordo co procedemento previsto na Lei xeral tributaria.

Artigo 4º.- Exencións.-

1. Están exentos do imposto:

a) O Estado, as Comunidades Autónomas e os entes locais, así como os seus respectivos organismos autónomos do Estado e as entidades de dereito público de análogo carácter das Comunidades Autónomas e das entidades locais.

b) Os suxeitos pasivos que inicien o exercicio da súa actividade en territorio español durante os dous primeiros períodos impositivos deste imposto no que se desenvolva esta.

c) Os seguintes suxeitos pasivos:

- As persoas físicas.

- Os suxeitos pasivos do imposto de sociedades, as sociedades civís e as entidades do artigo 33 da Lei 230/1963, do 28 de decembro, xeral tributaria, que teñan un importe neto da cifra de negocios inferior a un millón de euros.

Para os efectos da aplicación da exención prevista nesta letra teranse en conta as regras que contén o artigo 83 da Lei 39/1988, na súa redacción dada pola Lei 51/2002.

d) As entidades xestoras da Seguridade Social e as mutualidades de previsión social reguladas pola Lei 30/1995, do 8 de novembro.

e) Os organismos públicos de investigación e os establecementos de ensinanza en tódolos seus graos custeados integramente con fondos do Estado, das Comunidades Autónomas ou dos entes locais, ou por fundacións declaradas benéficas ou de utilidade pública, e os establecementos de ensinanza en tódolos seus graos que, faltando ánimo de lucro, estivesen en réxime de concerto educativo.

f) As asociacións e fundacións de diminuídos físicos, psíquicos e sensoriais,

sen ánimo de lucro, polas actividades de carácter pedagóxico, científico, asistencial e de ocupación que realicen para a ensinanza, educación, rehabilitación e tutela de diminuídos.

g) Estarán exentas as fundacións e asociacións para o exercicio daquelas actividades que constitúan o seu obxecto social ou finalidade específica, non xeren competencia desleal e os seus destinatarios sexan unha colectividade xenérica de persoas. Para tal efecto esterase ó establecido na Lei 50/2002, do 26 de decembro, de fundacións e Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ó mecenado.

h) A Cruz Vermella.

i) Os suxeitos pasivos ós que lles sexan de aplicación a exención en virtude de tratados ou convenios internacionais.

2. As exencións reguladas nas letras b) e) e f) do apartado anterior terán carácter rogado e concederanse, cando proceda, por pedimento de parte.

3. As exencións de carácter rogado que sexan solicitadas antes de que sexa firme a liquidación correspondente terán efectos desde o inicio do período impositivo a que se refira a solicitude, sempre que na data do devengo do tributo concorresen os requisitos legalmente esixibles para o goce da exención.

Artigo 5º.- Cota tributaria.- A cota tributaria será a resultante de aplicar as tarifas do imposto, incluído o elemento superficie, o coeficiente de ponderación determinado en función do importe neto da cifra de negocios do suxeito pasivo e o coeficiente que pondere a situación física do local onde se realiza a actividade regulados nos artigos 6 e 7 da presente ordenanza.

Artigo 6º.- Coeficiente de ponderación en función da cifra de negocios.- De acordo co artigo 87 da Lei 39/1988, do 28 de decembro, sobre as cotas municipais fixadas nas tarifas do imposto aplicarase, en todo caso, un coeficiente de ponderación, determinado en función do importe neto da cifra e negocios do suxeito pasivo, de acordo co seguinte cadro:

Importe neto da cifra de negocios; coeficiente:		
Desde	1.000.000,00	ata
5.000.000,00;		1,29.
Desde	5.000.000,01	ata
10.000.000,00;		1,30.
Desde	10.000.000,01	ata
50.000.000,00;		1,32.
Desde	50.000.000,01	ata
100.000.000,00;		1,33.
Máis de 100.000.000,00;		1,35.
Sen cifra neta de negocio;		1,31.

Para os efectos da aplicación do coeficiente ó que se refire este artigo, o importe neto da cifra de negocios do suxeito pasivo será o correspondente ó conxunto de actividades económicas exercidas por este e determinarase de acordo co previsto no parágrafo c) do apartado 1 do artigo 83 da Lei de facendas locais.

Artigo 7º.- Coeficiente de situación.-

1. Para os efectos do previsto no artigo 88 da Lei 39/1988, do 28 de decembro, as vías públicas deste municipio clasifícanse en 3 categorías fiscais. Anexo a esta ordenanza fiscal figura o índice alfabético das vías públicas con expresión da categoría fiscal que lle corresponde a cada unha delas.

2. Sobre as cotas incrementadas pola aplicación do coeficiente sinalado no artigo 7º desta ordenanza, e atendendo á categoría fiscal da vía pública na que radica fisicamente o local no que se realiza a actividade económica, establécese a seguinte táboa de coeficientes:

Categoría fiscal das vías públicas:

Índice aplicable: 1a; --1,1; 2a. --1; 3a. --0,8.

3. O coeficiente aplicable a calquera local vén determinado polo correspondente á categoría da rúa na que teña sinalado o número de policía ou no que se encontre situado o acceso principal.

Artigo 8º.- Bonificacións.- Sobre a cota do imposto aplicaranse, en todo caso, as seguintes bonificacións:

A) Ó abeiro do que prevé a Lei 20/1990, do 19 de decembro, sobre réxime fiscal de cooperativas, gozarán dunha bonificación do 95% da cota as cooperativas, as súas unións, federacións e confederacións, así como as sociedades agrarias de transformación.

B) Unha bonificación do 50% da cota correspondente, para quen inicie o exercicio de calquera actividade profesional, durante os cinco anos de actividade seguintes á conclusión do segundo período impositivo de desenvolvemento dela. O período de aplicación da bonificación caducará unha vez transcorridos cinco anos desde a finalización da exención prevista no parágrafo b) do apartado 1 do artigo 83 da Lei 39/1988, do 28 de decembro, reguladora das facendas locais.

Artigo 9º.- Período impositivo e devengo.

1. O período impositivo coincide co ano natural, agás cando se trata de declaracións de alta; en tal caso comprenderá desde a data de inicio da actividade ata o final do ano natural.

2. O imposto devéngase o primeiro día do período impositivo e as cotas serán irreductibles, agás cando, nos casos de declaración de alta, o día de

inicio da actividade non coincida co ano natural; neste caso as cotas calcularanse proporcionalmente ó número de trimestres naturais que queden para acabar o ano, incluído o do inicio do exercicio da actividade.

Tamén, e no caso de baixa por cesamento no exercicio da actividade, as cotas serán rateables por trimestres naturais, excluído aquel no que se produza o devandito cesamento. Con este fin, os suxeitos pasivos poderán solicitar a devolución da parte da cota correspondente ós trimestres naturais nos que non se exerce a actividade.

3. Tratándose de suxeitos pasivos que figuren dados de alta nalgún dos epígrafes 833.1, 833.2, 965.1, 965.2 e 965.5 da sección I das tarifas do IAE, devengarán no mes de xaneiro de cada ano a parte correspondente ós metros vendidos ou espectáculos celebrados no exercicio anterior. No caso de cesamento na actividade, a declaración complementaria presentarse xunto coa declaración de baixa.

Artigo 10º. Réxime de declaración e de ingreso.

1. É competencia do Concello a xestión tributaria deste imposto, que comprende as funcións de concesión e denegación de bonificacións e exencións, realización das liquidacións que condúzan á determinación das débedas tributarias, emisión dos instrumentos de cobro, resolución dos expedientes de devolución de ingresos indebidos, resolución dos recursos que se interpoñan contra os anteditos actos, e actuacións para a información e asistencia ó contribuínte, sen prexuízo das facultades de delegación.

2. Contra os actos de xestión tributaria competencia do Concello, os interesados poden formular recurso de reposición, previo ó contencioso administrativo, no prazo dun mes contado desde:

a) A data da notificación expresa, no caso de liquidacións de ingreso directo.

b) A finalización do período de exposición pública do padrón cando o tributo se esixa en tal réxime, por tratarse de exercicios seguintes a aquel no que tivo lugar a alta.

3. A interposición de recursos non paraliza a acción administrativa de cobro, salvo que, dentro do prazo previsto para interpoñelos, o interesado solicite a suspensión da execución do acto impugnado e achegue garantía suficiente.

Non obstante isto, en casos excepcionais, o órgano competente pode acordar a suspensión do procedemento, sen presentación de garantía, cando o recorrente xustifique a imposibilidade de presentala ou demostre fidedignamente que hai

erros materiais na liquidación que se impugna.

4. As liquidacións de ingreso directo han de satisfacerse nos períodos fixados polo Regulamento xeral de recadación.

Unha vez transcorrido o período voluntario de cobro sen que se realizase o ingreso, iniciárase a vía de constrinximento e aplicarase a recarga establecida na Lei xeral tributaria.

As cantidades debidas acreditan xuros de demora desde o día seguinte ó vencemento da débeda en período voluntario ata o día do seu ingreso, e o antedito xuro aplicarase sobre a débeda tributaria, excluída a recarga de constrinximento.

O tipo de xuro é o vixente ó longo do período no que se acredite, fixado de acordo co disposto no artigo 58.2.c) da Lei xeral tributaria e disposicións legais que resulten de aplicación.

5. Cando o Concello teña atribuídas as competencias en materia de xestión censal, segundo o establecido no artigo 92.1 da Lei 39/1988, o imposto esixírase en réxime de autoliquidación cos impresos aprobados para o efecto pola entidade local.

Artigo 11º.- Comprobación e investigación.- Por delegación do Ministerio de Economía e Facenda, o Concello ou o ente en quen este delegase as súas competencias de xestión tributaria, exercerá as funcións de inspección do imposto sobre actividades económicas, que comprenderán a comprobación e a investigación, a práctica das liquidacións tributarias que, se cabe, sexan procedentes e a notificación da inclusión, exclusión ou alteración dos datos contidos nos censos, todo isto referido, exclusivamente, ós supostos de tributación por cota municipal.

Artigo 12º.- Data de aprobación e vixencia.- Esta ordenanza fiscal, aprobada polo Pleno na sesión que tivo lugar o 5 de febreiro de 2003, empezará a rexe-lo día 1 de xaneiro de 2003, e continuará vixente mentres non se acorde a súa modificación ou derogación. No caso de modificación parcial, os artigos non modificados continuarán vixentes. Modifícase expresamente o contido da anterior ordenanza que contradiga esta, que será de íntegra aplicación.

Disposición adicional.- As modificacións producidas pola Lei de orzamentos xerais do Estado ou calquera outra norma de rango legal que afecten a calquera elemento deste imposto, serán de aplicación automática dentro do ámbito desta ordenanza.

Índice das vías públicas deste concello con expresión das categorías fiscais que lle corresponden a cada unha delas:

Para os efectos previstos no artigo 3º.2 da ordenanza reguladora do imposto sobre actividades económicas, a continuación sinalanse as vías públicas deste municipio, con expresión da súa categoría fiscal e o índice aplicable a cada unha delas: as vías públicas pertencentes a este Concello clasifícanse en tres categorías fiscais:

1.- Clasifícanse en primeira categoría e aplicarase o índice 1,1.

As vías públicas pertencentes ó núcleo da Veiga, por considerar que nelas se desenvolve a actividade comercial máis importante e que se encontran favorecidas pola súa situación xeográfica.

2.- Clasifícanse de segunda categoría as vías públicas dos pobos deste municipio que a continuación se relacionan, ás que lles aplicará o índice 1:

Lamalonga, Corzos, Prada, San Lorenzo; Baños; Xares; Castromao; Casdenodres; Castromarigo; Pradolongo; Seoane; Meda; Ponte; Requeixo; Valdín; Espiño; Prado; Vilanova; Carracedo; Edreira; Meixide; Corexido; Candeda; Santa Cristina.

3.- Clasifícanse de terceira categoría as vías públicas dos pobos que a continuación se relacionan, ás que se lles aplicará o índice 0,8, por entender que son as poboacións máis desfavorecidas e as que contan con menos número de habitantes:

Riomao; San Fiz; Curra; Vilaboa.
A Veiga, 11 de marzo de 2003. O alcalde.

R. 1.240

CARTELLE

EDICTO

En cumprimento do disposto no artigo 94.2 da Lei de contratos das administracións públicas, publícase a adxudicación do seguinte contrato de obras:

- Nome: "Saneamento e depuración Sabucedo - Lamas de Outeiro".

- Procedemento de adxudicación: aberto, mediante concurso e polo trámite de urxencia.

- Data de adxudicación: 12 de marzo de 2003.

- Adxudicatario: Covelo, SL.

- Prezo da adxudicación: 19.889,10 euros.

Cartelle, 12 de marzo de 2003.- A alcaldesa.

R. 1.201

ANUNCIO

Obxecto: obras de execución "Abastecemento e saneamento en Muntián - Concello de Cartelle".

Orzamento: 78.000,00 euros.

Prazo de execución: 3 meses.

Garantía definitiva: 4% do orzamento de adxudicación.

Proposicións: Presentaranse no Rexistro de Entrada do Concello, durante o prazo de 13 días naturais, contado desde o seguinte ó da última publicación deste anuncio no BOP ou no DOG. Os criterios de valoración e a documentación para tomar parte no concurso figuran no expediente que consta na secretaría do concello.

Apertura de plicas: terá lugar ás 13 horas do 1º día hábil (agás o sábado), a aquel no que remate o prazo de presentación de ofertas.

Información: Concello de Cartelle, teléfono: 988 491 111. Fax: 988 485 881.

Cartelle, 12 de marzo de 2003.- A alcaldesa.

R. 1.200

De conformidade co disposto no artigo 124.3 da Lei xeral tributaria, expóñense ó público, para a súa notificación colectiva, o padrón cobratorio correspondente ó 4º trimestre do exercicio 2002 da taxa de abastecemento de auga que aprobou a Comisión de Goberno o día 12-03-2003.

Período: Exercicio 2002.

Prazo de exposición: 20 días hábiles traía publicación deste edicto no BOP.

Lugar de exposición: Oficinas municipais.

Contra as liquidacións individualizadas que figuran nos devanditos padróns cabe interpo-los seguintes recursos:

1.- Reposición ante a Comisión de Goberno deste concello, no prazo dun mes dende o día seguinte ó da publicación deste edicto no BOP, que se entenderá rexeitado se transcorre un mes desde a súa presantación sen que se resolva de maneira expresa.

2.- Contencioso-administrativo, ante a sala correspondente do Tribunal Superior de Xustiza de Galicia con sede na Coruña, no prazo de dous meses se a resolución do recursos de reposición é expresa, e no prazo de 1 ano desde a súa interposición de non o ser.

3.- Poderase interpor calquera outro recurso que ós interesados lles conveña.

Cartelle, 13 de marzo de 2003.- A alcaldesa.

R. 1.199